

臨武縣志卷之十九

兵制志

戡亂以武而制治以文談金革於鋒銷鼓卧之日疑於不倫矣然階下舞干而命刑官者尙慮寇賊姦宄華陽歸馬而掌邦政者不廢獮狩菟苗則治不忘亂安不忘危制治保邦之深意也臨自有明以來無專營駐守其時若茶陵德安荊州襄陽或衛或所分班輪戍及瓜未代采薇見傷駢駢者所爲每懷靡及也國朝體恤軍情革去分班哨守特設叅戎守府分防桂

臨武縣志

卷之十九

兵制志一

臨藍嘉等處與宜章桂陽諸營相犄角文德誕敷而戎兵克詰視彼分戍之繁擾相去何啻霄壤至於辨等威數軍實修器械選徒峙糧皆有關於經制之大者成法具在式是鴻猷志兵制

曹家玉識

明初臨邑無專營駐守摘撥桂陽千戶所軍數赴縣屯守天順間猺賊入寇八年復寇隨攻陷桂陽州城該所議將屯軍掣回本州守禦該臨武縣丞張楨申請巡撫衙門議調茶陵衛戍守每年該衛所員并領軍若干輪班交戍正德十一年本邑致仕官陳鎡省

祭謝端等呈稱該哨指揮等縱軍擾害居民不便巡撫都御史秦金議調襄陽衛及荊州德安各衛所員弁領兵輪班戍守每員名月給行糧四斗五升按月赴縣支給而荊州又復掣回只二哨仍舊其哨守公館初在縣治南五里王茶坪後俱改建縣治西

茶陵衛指揮一員

領軍數若干輪班限期赴縣戍守其

茶陵哨千百戶各一員

領軍輪戍其軍數限期掣回

襄陽哨指揮一員

領軍一百二十五年一

荊州哨千戶一員

領軍七十五名三年一掣回

臨武縣志

卷之十九

兵制志二

德安哨總旗二人

領軍二十五年一輪

國朝順治四年四月內大兵克定衡州遣叅將王應舉安撫臨邑始立營制原設兵丁一千名嗣於康熙年間奉文陸續裁撥兵三百五十一名乾隆十一年將衡州府所屬之桂陽州撥歸臨武營管轄四十七年奉撥養廉公費名糧七十七名嘉慶五年裁撥兵二十名九年又裁五名二十年裁汰四十名歷未添募新兵實在馬步戰守兵丁五百名分防臨藍桂嘉等處一州三縣二汛地方

臨武營經制官八員

參將一員 中軍守備一員 千總二員 把總四員 又添設經制外委千把總四員 額外外委三員

駐劄臨武縣城參將一員原係苗疆題調缺乾隆四十四年奏請奉 文苗獠向化與內地無異改爲部選缺

分駐藍山縣城中軍守備一員原係苗疆題調缺乾隆五十年亦改爲部選缺 其千把外委額外名

臨武縣志

卷之十九

兵制志二

員弁俱由本營將備遴送考拔

現在馬戰守兵五百名內馬兵四十九名戰兵二十七名守兵四百二十四名_內

分防臨武縣城汛 馬兵三十名 弓箭戰兵八名 守兵四十名 鎗守戰兵六名 守兵八十四名

籐牌三十名 大砲二十名 書識十五名 共二百三十三名係左哨千總並二司把總專管

分防藍山縣城汛一百二十九名內馬兵十九名

弓箭戰兵五名 守兵四十名 鎗手戰兵四名

守兵六十一名係右哨把總並二司外委專管

分防桂陽州城汛 鎗手戰兵一名一名守兵四十二名係

右哨千總專管

分防嘉禾縣城汛 鎗手戰兵一名 守兵三十二

名係左哨頭司把總專管

分防寧溪所汛 鎗手戰兵一名 守兵二十九名

係右哨二司把總專管

分防大橋汛 鎗手戰兵一名 守兵三十一名係

左哨頭司外委千總專管

臨武縣志

卷之十九

兵制志三

馬匹

營操馬五十六匹外委額外在內 官例馬二十四

匹 冬春每日每匹乾銀四分 夏秋每日每匹

乾銀一分六釐六毫

俸餉

叅將一員歲支養廉俸薪銀六百五十九兩三錢四分

中軍守備一員歲支養廉俸薪銀二百六十六兩七

錢六釐

千總一員養廉俸薪銀一百六十七兩七九錢九分九釐

把總一員歲支養廉俸薪銀一百二十六兩
外委一員歲支養廉馬餉銀四十二兩 米三石六
斗
額外一員歲支馬餉銀二十四兩 米三石六斗
馬兵一名歲支馬餉銀二十四兩 米三石六斗
戰兵一名歲支餉銀十八兩 米三石六斗
守兵一名歲支餉銀十二兩 米三石六斗
以上餉銀前赴司庫請領回營按季支放
兵米每歲兵關支本色米一石四斗六升三合在於

營坐各州縣常平倉支給自正月日起至五月二十
六日止又自五月二十七日起至年底止俱支折
色每升六釐按年前赴南糧道請領回營隨同兵
餉搭放續奉

文飭每年青黃不接之時各汛兵丁在於各州縣常
平倉內借支穀二三石秋冬二季扣餉移縣買補
完倉

設公費銀二百六十六兩八錢八分
惠賞兵丁紅事銀二兩白事銀四兩

軍器

馬步盔甲四百九十七頂副 弓箭一百四十二副
戰箭五千九百四十枝 鳥鎗二百九十三桿
籐牌三十面 牌刀三十把 威遠砲六位臨武
四位藍山二位 子母砲四位 劈山砲一位
金蟒大小旗幟八套 銅鑪鍋五十三口 鐵鑪
鍋三十五口 鐵斧五百把 帳房八十四籠縳
子六十九塊 火葯額存二千二百六十九斤
鉛彈二千二百六十七斤

臨武縣志

卷之十九

兵制志五

民壯附

明正統二年始募所在軍餘民壯

宏治二年立僉壯法州縣七八百以上里僉五人五
百里四人三百里三人百里以上二人有司訓練
遇警調發

嘉靖二十二年增州縣民壯額大州縣千人次六七
百人小五百人臨武凡一百名至四十一年粵苗
入寇郴桂守備李思堯建議召募殺手臨武凡二
百名

國朝因明制而汰其數初縣設民壯五十名雍正八年
撥給辰永道一十一名撥捐同知三名陸續遞有
裁減今僅存一十五名

臨武縣志

卷之十九

兵制志六

續兵制

道光十三年撥大橋汛外委一員占守兵丁三十二名
歸永州左營管轄二十二年裁歸天津馬兵一名占
守兵四名二十五年裁歸耒陽守兵一名三十年裁
歸新平營兵丁二名同治三年奉文停補二成馬兵
六名占兵八名守兵七十八名

續兵事

道光十二年四月粵獠勾結八排滋擾邊境知縣田名徵會同叅將馬貴防堵茅結嶺

道光二十七年社下唐國通勾結外匪張老二以邪法惑鄉民能禁鎗使不發聲欲倡亂徒黨黃壽松等附之勢日張縣官將會營捕之而未往也村人唐興太兄弟偽為附也者思破法以解其黨激張老二登壇試法興太持鎗立數十步向之火發果倒洩復銜髮祝天暗納彈子於中鎗迺發聲張老二立斃於是衆

臨武縣志

卷之十九

續兵事一

譁然散擒國通等送官梟示餘黨分別決遣社下平成豐元年六月粵匪竄入陽山縣七鞏司等處邑境戒嚴知縣舒明叅將張寅恭督飭團紳陳步雲等會同乾州營都司王逢懋帶兵防堵茅結嶺

八月粵匪竄入宜境提督余步青調沅州保靖營官兵防堵分駐龍水牛市等處

二年六月西匪洪秀全陷嘉禾桂陽過邑西北界同城文武督率團紳兵勇禦之

三年正月常甯土匪由嘉禾撲邑西北界團村義勇堵

之適嘉禾舉人李登雲追至圍殺賊盡殲

六月粵東遊匪劫水東市知縣張長庚督勇捕獲十餘人斬之賊遁入粵境

八月粵匪逼近邑境知縣張長庚會營防禦九澤水茅結嶺土橋塘猴子嶺古桑村東瓜坪等處

十月粵匪何老四率其黨由常甯陷嘉禾叅將趙永年率守備哈清阿把總邵定太唐仁高援之渡河撲城賊由間道奪舟邵定太歿於陣賊旋掠團村墟竄火田渡踞古城圍藍城數晝夜湘勇方用火攻知縣吳

臨武縣志

卷之十九

續 兵事二

灑率團紳督勇應之圍立解餘黨復竄火田渡分擾我縣境各軍迎擊殺賊十餘人賊由詹家坊遁入永州

十二月嘉禾土匪尹石保滋事逼近縣境叅將趙永年會同管帶焮勇張榮組暨邑舉人候選知縣李崇峻等督率兵勇分路捕勦生擒郭玉燕等直抵尹石保村賊悉遁

四年正月知縣吳灑奉檄辦理團練公舉邑紳杜學禮唐景臬鄺炳星李崇峻總理團務

六月粵匪由順頭嶺逼近縣境知縣吳灝會同叅將率團紳等扼要堵禦獲賊李賜發等斬之

九月粵匪踞星子闌入縣境知縣盧肇煦派團紳羅耀南李足民陳修齡等帶勇往土橋堵禦嗣統帶南勇周金城由龍水進勦戰均失利越日賊踰鳳巖至榜山城中戒嚴登陴守禦賊知有備仍由上洞油麻田遁入粵東

十月統領湘勇候選道王鑫由甯遠追賊至團村墟過水頭直抵東陂觀盡殲之方鑫之尾擊也賊造飯兵

臨武縣志

卷之十九

續 兵事三

輒至賊數日不得食遂困匿山林各團紳搜殺甚衆是月嘉禾首匪尹石保亦劫掠芹菜等處我軍撲之賊悉遁

十二月尹逆黨李喜才彭福才等掠藍山清涵逼邑西北境知縣盧肇煦飭團紳黃尊容周炳蔚黃鶴齡曹勳蔣德潤禦之戰失利退保石溪嶺賊回竄清涵先是賊由嘉禾犯境團紳黃錦星黃雲漢軍功周文炳周祚燕率勇固守濟茗亭白茅嶺等處賊遂分掠藍山是月尹逆復由嘉禾掠麥市墟叅將趙永年帶兵

截擊團紳黃惠羣傅萬選曹維漢蔣德潤等隨之戰於水尾軍功王福祥陣斬先鋒賊大潰追殺百餘人明年正月團紳黃錦星派勇搜捕獲偽軍師尹木盛要匪李喜才彭福才等多名尹逆勢蹙軍功周文炳以招安扎餌之逆猶豫心腹數十人匿藍僻村圍捕不獲越二月偵得之遂授首於藍是役也我軍痛剿於先窮搜於後卒以撲滅首逆免至蔓延厥功亦偉矣哉

五年五月尹黨蕭元發導粵匪由水東闌入踞羅源上

臨武縣志

卷之十九

續 兵事志 四

橋知縣盧肇煦飛飭團紳黃錦星等聯團截之十五日黎明賊據團村格下嶺噴筒霧集我軍迎敵前隊周楚善周肇漳等七十餘人歿於陣賊移攻嘉禾六月粵匪陳金剛由宜章黃沙堡竄縣境祖教寺一帶旋踞皇覺寺校場坪成仙觀多寶寺等處衆號數萬四面攻城勢張甚知縣盧肇煦駐紮城南樓叅將趙永年駐紮城北樓會官紳軍民登陴固守歷九晝夜婦孺日則累石上城夜則送粥療飢未嘗稍息當賊環攻時呼聲震地守城者以靜鎮之乘賊懈下城奮

擊每有斬馘不下數百名賊計窮復於城南穴地攻之城中偵知即於城內墻根開溝蓄水以防其變會大雨如注地道自陷壓斃賊匪甚多殆有天幸焉維時教諭熊運昌由東路募勇入援西北路團紳亦帶勇踵至聲勢益壯開城夾攻賊大潰竄往宜屬莽山是役也官紳籌畫盡善城池人民賴以保全

本朝二百餘年以來戰守之功莫大於此

十一月粵匪復擾縣邊境叅將趙永年督帶兵勇並團紳追至甯遠縣之路亭魯光洞遇伏被圍叅將趙永

臨武縣志

卷之十九

續 兵事志 五

年把總唐仁高團紳譚昌齡傅周年王圭等均戰死賊竄入廣西

九年二月髮逆石達開黨由江西入桂陽等處經嘉禾行十餘日繼續不絕邑令王承順飭北路團勇堵之是時賴剥皮何名標由桂陽竄過縣境牛市城頭下城背嶺潔溪一帶城中官紳督勇守禦賊知有備遂北竄三月朔兩股先後至團村勇弗能禦大肆焚掠死者數十人賊竄永州

四月髮逆石達開由廣東乳源竄入牛市知縣王承順

募勇守城叅將李輔朝帶勇防堵牛市及宜境觀渡等處都司盧秀峰死之退保縣城賊竄寶慶

六月桂陽州知州俞晟來縣督辦團練知縣王承順會同紳士曾傳祝鄧祖高鄺炳星王玉成立局仿按田出賦之法各鄉皆有分局

八月粵匪擾宜境黃沙堡知縣王承順時已卸篆奉檄赴文化鄉一帶堵勦

十年正月西匪由藍山麥子嶺竄擾塘村沙田等處知縣翟允之會同營弁團紳督勇禦之

臨武縣志

卷之十九

續 兵事志 六

十一月髮逆由甯藍竄過花塘等處知縣翟允之會同守備方振鵬暨團紳等扼要守禦斃賊頗多該匪由楚江墟牛市退竄桂陽入江西

十一年二月粵匪復由縣南境經過知縣翟允之會營禦之賊旋遁

同治二年九月髮逆股匪李復猷大股竄擾道州蔣家嶺等處邑境戒嚴知縣田福亨叅將方振鵬等會同文武及團紳等防堵

五年十一月嘉禾土匪攻城知縣吳洪恩叅將龔名照

會督文武官紳練團防堵

按咸豐年間粵西髮逆倡亂土匪乘時蠡起蔓延幾徧天下而臨邑山城斗大疊經環攻獨能固守即鄉間各團不無蹂躪卒能戮力同心賊悉受創而去益不敢窺伺縣城豈地利之可憑與抑人事之可恃也爰將團練章程附錄於後俾後人遵而守之亦曰有備無患云爾

一按糧出費所以昭公允也而就地立團所以大聯絡也我邑地廣人稠村落鱗接或一村自為一小團或

臨武縣志

卷之十九

續 兵事七

數村共為一小團合十數小團是為一大團小團十勇議一團長五長議一團頭大團公議團總約二三位每位屬勇百名

一就地立團即按戶練勇約四百家議勇百名一大團計村居若干計戶口若干應分割小團若干統計練勇若干團頭分冊送交團總團總彙冊送交總局並將該大團所屬村落何名小團幾處詳登冊首以便照戶口門牌分別確核

一勇貴精不貴多各大團壯勇不下數千其歸局應調

者以二三百名為率各團總團頭務擇年壯力強並安分守己者方准充入倘入團之後不聽操演不遵紀律即由該管團總團頭責革另補

一勇貴精練之始精小團相距較近呼集易周稍有閒暇隨時操演大團則每月以一次為定各團總團頭務須協力勤操始終無懈方能日起有功至地方官長查團除煤水外毋庸供給糜費

一每大團軍器籐牌大炮抬炮號掛旗幟由總局製辦分別給領其手鎗長矛短刀由各大團自備

臨武縣志

卷之十九

續兵事八

一按糧捐出之數收歸總局除製辦籐牌大炮擡炮號掛旗幟外議以十分之一分存各大團作為公項其餘存數留給日後調遣口糧惟各大團倡率督辦暨製造手鎗刀矛並練勇辛力獎賞各費合計甚多若盡仰給總局誠恐難供把注各團總團頭務須極力經營設法籌辦即至萬難措手之處必策一權變公允之方或勸富戶樂捐或將眾項酌派或裁去無益之費或暫停可緩之條不以富例貧不以大例小不以易例難務期一體翕然黽勉從事庶幾團費充裕

足以資訓練而固人心

一各大團操演之所須各設一局輪班執事遇有警信密報總局以便飛布各團聽候調遣

一各大團內所屬小團各置銅鑼一面遇有外匪經過或追逐內盜即將公鑼登高連擊以爲傳號務須一呼百起環捕兜拏俾匪盜不得潛迹漏網

一團練以杜外匪更當先剔內奸凡大小各團內倘有出入匪黨並慣賊大盜由團總團頭派勇緝送來城總局分別給賞惟派勇緝送之時團總團頭務須聯

臨武縣志

卷之十九

續 兵事志九

名親書花押以杜挾嫌誣陷等弊

一團練以資堵勦總期協力同心互相捍衛倘或藉端起忿何異同室操戈凡團內名村並兩村毘連之處或舊釁未解或因事生爭各團總團頭務須曉以大義釋怨排紛不得督勇交鋒釀成巨案

一除匪拏奸本無畛域惟立團既區地界則鋤捕自有責成如查有別團匪民即由本大團團總團頭密告該大團團總團頭會同緝送到縣不得擅行私拏致開仇釁

一團勇殺賊割取首級壹顆驗實賞錢伍仟如係賊首
級首賞錢拾千生擒賊匪壹名賞錢陸仟如係賊首賞
錢拾式千其或戰力受傷視輕重分別議給至捐軀
赴難給陣亡花銀叁拾元並稟明地方官詳請
卹典倘或臨陣退縮或驕抗違令以及騷擾平民藉
事貪擄除將該勇照軍法從事外並將團長團頭團
總分別議究

一團總團頭團長督勇堵勦倘能出奇制勝迅奏膚功
即聽候 文武官稟請獎勵

臨武縣志

卷之十九

續 兵事志十

一總局所存公項以後普託承平無事調遣其如何歸
欸之處總候公裁各大團所領軍器亦即照領軍器
單送繳總局以遵

功令

武臨 中路鎮字大團

鎮左右翼

東城新屋場板橋頭河街下截街大富
嶺西城上西街黃門巖灘頭石帶坑麻

絲田

鎮南一隊南溪

老家頭黃皮山羅家巷下村胡家山曾

鎮南二隊永濟坊

杜家石頭柳樹街平橋沙坪谷
富塘水頭塘芹菜塘下大葉
嶺楊家灣破頭嶺宋家

鎮南三隊榜山

鎮南四隊古車洞沙田心園脚拔昌班嶺脚胡家水田三背村

冲石家陳家洞楊梅江二村牛塘村澹家坊

鎮南五隊大嶺洞南背冲茶孟頭蔣家田彭家胡家屋

鎮南六隊貝水洞木塘平頭村評禮公堂嘴駱走馬營庄田門

冲王水湾油麻田五村

鎮東一隊驟溪

鎮東二隊慕冲旁黄坭塘三羊村古凹家鴨富塘廟背王家

鎮東三隊馬塘三村卜冲九江頭大樹冲

臨武縣志

卷之十九 續兵事志十一

鎮東四隊烏溪洞劉家陶家頭謝家田啞妹冲

鎮東五隊烏溪洞楊圳家上李家赤脚洞左閣石頭雷家

鎮東六隊白膳二村猪灣古寨沙洲坪白竹家寨坑張村家

鎮西一隊靛江二村隴江朋舖水燕溪新家洞家螃注古

鎮西二隊花塘尖尾石栳木山下駱家望石舖蕭

鎮西三隊粗石江螃注歐家城背嶺大湾

鎮西四隊桑水長帶合硬田天頭嶺一帶龍頸上一

鎮東北隊葡桃灣車田江三村山灰塘窑譚東山下家唐

城頭下石大脚

鎮北一隊 夏灣三村 斜江劉家灣新青三村毛皮

鎮北二隊 西舖羅坪老石門小源鹿角塘下水洞

門樓頭黃沙坪一帶深坑一帶鳳下家插
巖嶺杉山入東山一帶賴家彭家張家
太平石街嶺鄧家

武臨 東路普字大團土地墟周圍 小灣龍頭大江自石冲白灣家田地

白石脚黎家坪妙灣椒冲大嶺下西水張
家坪楓橋柳塘黃坭井抓子嶺下西水張
羅李凹一帶魚尾田劉家土樓冲渡頭

東路慶字大團三合市周圍 南富蘇下牛纜市頭社下神

東路昇字大團四十八廟 水東嶺五塘冲陳盆新白渡

家嶺天塘坪毛金盆木冲上富村沙野
四村天福祠凹背二村温湯打鼓村冲野

臨武縣志

卷之十九 續兵事志十二

牛洞起山水腊樹脚鶴塘杉木橋梢舖
窩畔塘小城鉄坑白水中華墟張家舖
石猪頭旺田東江

東路平字大團坦下周圍 田頭唐山家頭大江歐古

大步一帶冬塘坪劉段四村秀源楊柳
寨葫蘆背璋古灣

武臨 南路戰字大團祖教寺周圍 田頭李騰上蓮塘秀水

字舖何八村菜岡官基坪上濠頭官庄
文溪桐油坪王家塘栗坪溝旱頭步頭

南路勝字大團元安啟周圍 元富頭三村邱安石富巖頭

水磨刀螺絲嶺東車嶺一帶灣坵新開

南路攻字大團土橋周圍 曾家山歐家灣九澤坪水

菜頭水板栗營犁頭嘴封家凹橫洞平
田頭桐木板窩高安水大廣小廣古類陳

家嶺背塘桂泉

武臨

西路取字大團楚江墟周圍

蓮顧村三包山曉回年陽塘楚下

歐江三村上壕頭東春嶺鄧家上橫黃家

西路運字大團盧家墟周圍

譚啄下木譚境大平城山上何家上下

盧

西路籌字大團朱禾舖周圍

城矮塘碧抓破子凹大二溪村頭下

妙石江樟山凹頭三村

西路帷字大團水頭墟周圍

水堯灣蘭塘青頭自灣龍新家屋

場上帶水下帶水庄村上塘二村陳

武臨

北路幄字大團正南舖周圍

木糖渣舖新坪大茶山坪杉

青楊家灣檢田南瓜塘西冲親家山江

臨武縣志

卷之十九

續兵事志十三

冲口佛租舖排洞大嶺宅下腦三水陳家洞娥

北路斬字大團毛栗墟周圍

月秀裡一帶各庄東水冲

江家五里上凹角塘山江窩村栗凹神

北路馘字大團三合墟周圍

井芹菜二村天乾河冲坪楊大

柳塘庄村大坪賀家山童子拜家觀音塘二

下小門寨新地坊長塘小水源村庄廣

北路獻字大團潔流水周圍

岡上橫溪下葛山冲下糖榨紫

頭餘豐曹家冲上舟境下大舟境矮子坪

龍坡岡白竹三村上馬肚墟下城長坪二坪

村毛栗嶺大嶺下

北路俘字大團麥下墟周圍田平山得老三屋村巖下口新三橋村

寺黃沙泉上橋下橋橫山下羅源上 三村上盤下盤老屋塘下青定源上

北路安字大團塘村墟周圍東邊山西邊山油龍

塘灣鄧林鋤下琵琶尾茶葉冲一帶琵琶 徐家羅家

臨武縣志

卷之十九 續 兵事志十四